



Mapa Asisténsia ba Sudeste Aziátiku mak baze dadus abrajente ida ne'ebé hatudu fluxu (movimentu) ba finansiamentu ofisiál ba dezvoltimentu (FOD) iha Sudeste Aziátiku. Institutu Lowy lansa projetu ne'e iha tinan 2023 no atualiza tinan-tinan. Austrália nia Departamentu Negósiu Estranjeiru no Komérsiu mak apoia projetu ne'e. Hodi promove transparénsia ne'ebé dí'ak liu husi fluxu FOD sira, Institutu Lowy buka atu haluan koordinasaun, hadi'a responsabilizasaun, no hametin kapasidade atu foti desizaun no debate polítika kona-ba asisténsia, dezvoltimentu, no kompetisaun jeoekonomika iha rejiaun Sudeste Aziátiku (SA).

Edisaun datoluk husi Mapa Asisténsia Sudeste Aziátiku ida-ne'e inklui períodu husi tinan 2015 to'o 2023. Edisaun ne'e inklui dadus kona-ba projetu hamutuk 130,000 liu ne'ebé hala'o ho parseiru dezvoltimentu hamutuk 109, ho total \$290 biliaun. Peskiza ne'e kobre nasaun 11, katak nasaun Sudeste Aziátiku hotu: Brunei, Kamboja, Indonézia, Laos, Malázia, Myanmar, Filipina, Singapura, Tailândia, Timor-Leste, no Vietnam. Mapa kombina no organiza pontu dadus millaun ba milliaun husi mekanizmu relatóriu sira no baze dadus sira ne'ebé ofisiál. Mapa kombina ida-ne'e ho informasaun husi dokumentu rihun ba rihun ne'ebé disponivel ba públiku, inklui: relatóriu anuál sira, deklarasaun finanseira sira, dokumentu orsamentál sira, relatóriu husi média notísias sira, no fonte sira husi média sosiál. Baze dadus ne'ebé rezulta mak informasaun abrajente liu fali relatóriu seluk hotu-hotu kona-ba projetu dezvoltimentu sira iha Sudeste Aziátiku.

Relatóriu 2025 ba Deskobrimentu Xave sira analiza mudansa sira ba dezvoltimentu finansiamentu iha Sudeste Aziátiku no inklui perfil ba nasaun Sudeste Aziátiku ida-idak bazeia ba informasaun iha baze dadus ne'e.

Deskobrimentu xave sira iha 2025

- Apoiu ba dezvoltimentu rejionál aumenta uitoan iha 2023 maibé la to'o nivel pré-Covid nian.
- Iha tinan balun oinmai, redusaun ba asisténsia husi EUA, UE, no Reinu Unidu bele hamenus finansiamentu ofisiál ba dezvoltimentu ba rejiaun SA hamutuk \$2 biliaun liu.
- Tanba pais osidentál sira sei hamenus asisténsia no tanba sei iha intensifikasaun ba tensaun komersiál, nune'e opsaun sira ba dezvoltimentu iha Sudeste Aziátiku sei redúz, no iha risku katak Xina bele aproveita ida-ne'e atu habelar ninia influénsia.
- No mós, redusaun asisténsia sei halo kle'an liután divizaun dezvoltimentu nian, ne'ebé sei hanetik progresu ba nasaun kiak liu sira no setór sosiál nia prioridade sira.
- Agora dadaun, Sudeste Aziátiku nia dezvoltimentu infraestrutura nian sai neineik tebes.
- Rejiaun SA nia tranzisaun enerjética enfrenta falta finansiamentu ne'ebé maka'as, no ida-ne'e hamosu implikasaun globál.
- Karik, progresu kona-ba klima no inklusaun sosiál sei enfrenta presau.

Hodi hetan informasaun liután no uza karakterístika interativu sira husi Mapa Asisténsia Sudeste Aziátiku nian, loke sítiu internét seamap.lowyinstitute.org

TIMOR-LESTE

\$2.8 biliaun	OSAN NE'EBÉ GASTA ONA
\$3.4 biliaun	OSAN NE'EBÉ KOMPROMETIDU
6.250	PROJETU SIRA
53	PARSEIRU DEZENVOLVIMENTU SIRA

Timor-Leste (TL) iha ekonomia ho rendimentu médiu-ki'ik, ho ekonomia ki'ik liu iha Sudeste Aziátiku. ONU fó dezig-nadu nu'udar Nasaun Dezenvolidu Menus Liu. Iha tinan 2023 TL simu finansiamentu ofisiál ba dezenvolvimentu hamutuk \$300 millaun.

Austrália mak responsavel ba um-kuartu liu husi FOD ba Timor-Leste husi 2015–23, no molok ne'e, dala ruma fornese um-tersu husi FOD (iha 2021 no 2023). Foin dadaun, Austrália liuliu fornese asisténsia ba governu no setór sosiedade sivil, liuliu ba dezenvolvimentu umanu, governasaun sub-nasionál, no programa apoiu orsamentu fiskál – no karik sei kontinua atu fornese asisténsia iha área hirak-ne'e. Austrália fornese FOD tomak ba Timor-Leste liuhusi doasaun sira.

Japaun, Estados Unidos, no Banku Dezenvolvimentu Aziátiku (ADB, sigla husi lia-inglés) sai hanesan Timor-Leste nia parseiru nivel daruak, ida-idak kontribui besik 10% husi totál FOD ne'ebé tama iha tinan 2015–23.

Timor-Leste hetan FOD barak liu iha setór governu no sosiedade sivil, ne'ebé mak 25% liu iha tinan 2015–23. Maioria FOD ne'e ba kapasitasaun instituisaun iha setór públiku no dezenvolvimentu polítika empregu nian. Setór FOD boot daruak iha Timor-Leste mak transporte no armazenamentu, liuliu konstrusaun estrada no infraestruturá transporte bee nian, hanesan portu sira.

Durante 2015–23, 13% husi FOD Timor-Leste nian marka ba inkluziun defisiénsia, 44% ba igualdade jéneru, no 38% ba asaun klimátika.

Timor-Leste mak fornese dór asisténsia ne'ebé ki'ik no irregulár ba nia viziñu sira, iha parte ida tanba nia seidauk sai membru formál ba Asosiasaun Nasaun Sudeste Aziátiku.

TL fornese ona montante modestu hanesan asisténsia umanitária ba Tailândia, Malázia, Indonézia, Laos, no Myanmar, maibé seidauk dezembolsa FOD intra-rejionál ruma dezde tinan 2019.

